

脈經真本

卷六  
卷七





脈經真本卷之六

相按此卷十一篇  
今俱見千金方

肝足厥陰經病證第一

膽足少陽經病證第二

心手少陰經病證第三

小腸手太陽經病證第四

脾足太陰經病證第五

胃足陽明經病證第六

肺手太陰經病證第七

大腸手陽明經病證第八

腎足少陰經病證第九

膀胱足太陽經病證第十

三焦手少陽經病證第十一

肝足厥陰經病證第一

凡十七條○相按七當作八○津日原注誤合

三四爲一條

肝氣虛則恐實則怒肝氣虛則夢見園苑生草得其時則夢伏樹下不敢起肝氣盛則夢怒厥氣客於肝則夢山林樹木

病在肝平旦慧下晡甚夜半靜



病先發於肝者頭目眩脅痛臑滿一日之脾閉塞不通身痛體重二日之胃而腹脹三日之腎少腹腰脊痛脛痠十日不已死冬日入夏早食

肝脈搏堅而長色不青當病墜墮若搏因血在脅下

令人喘逆若奕而散其色澤者當病溢飲謂溢飲者

渴暴多飲而溢一作易入肌皮腸胃之外也肝脈沉之

而急浮之亦然若相按千金方作苦此誤脅下痛有氣支滿引

少腹而痛時小便難苦目眩頭痛腰背痛足爲逆寒

時癰女人月使相按使千金方作事不來時無時有

得之少時有所墜墮

青脈之至也長而左右彈診曰有積氣在心下支肘

名曰肝痺得之寒溼與疝同法腰痛足清津曰清頭

痛

肝中風者頭目痛柏按千金方作暈兩脅痛行常偃令人嗜

甘如阻婦狀肝中寒者其人洗洗惡寒翕翕發熱面

翕然赤皦皦有汗胷中煩熱肝中寒者其人兩臂不

舉舌本一作燥善太息胷中痛不得轉側時時盜汗

柏按汗下千金方有欬字食已吐其汁

肝主胷中喘怒罵其脈沉胷中必窒欲令人推按之  
有熱鼻窒

凡有所墜墮惡血留內若有所大怒氣上而不能下  
積於左脅下則傷肝肝傷者其人脫肉又臥口欲得  
張時時手足青目瞑瞳人痛此爲肝藏所致也

肝脹者脅下滿而痛引少腹肝水者其人腹大不能  
自轉側而脅下腹中痛時時津液微生小便續通  
肺乘肝卽爲癰腫心乘肝必吐利

肝著者其病人常欲蹈其胷上先未苦時但欲飲熱



疑有  
關文

肝之積名曰肥氣在左脅下如覆杯有頭足如龜鼈  
狀久之不愈發欬逆痰瘧連歲月不已以季夏戊己  
日得之何也肺病傳肝肝當傳脾脾適以季夏壬壬  
者不受邪肝復欲還肺肺不肯受因留結爲積故知  
肥氣以季夏得之

肝病其色青手足拘急脅下苦滿或時眩冒其脈弦  
長此爲可治宜服防風竹瀝湯秦朮散春當刺大敦

夏刺行間冬刺曲臬

柏按千金方  
作臬此誤

皆補之季夏刺太

衝秋刺中却皆瀉之又當灸期門百壯背第九椎五十壯

肝病者必兩脅下痛引小腹令人善怒虛則目眈眈無所見耳無所聞善恐如人將捕之氣逆則頭目痛耳聾不聰頰腫若欲治之當取其經足厥陰與少陽

血者

血者謂有血之穴

邪在肝則兩脅中痛寒中惡血在內胛善痠節時腫取之行閒以引脅下補三里以溫胃中取血脈以散惡血取耳閒青脈以去其瘕

足厥陰之脈起於大指聚毛之際上循足

津日跌原刻多

譌作跌今俱改正下同

上廉去內踝一寸上踝八寸交出太陰

之後上膈內廉循股入陰毛中環陰氣

相按當作器

抵小

腹俠胃屬肝絡膽上貫膈布脅肋循喉嚨之後上入

顛顙連目系上出額與督脈會於顛其支者從目系

下頰裏環脣內其支者復從肝別貫草上注肺中是

動則病腰痛不可以俛仰丈夫癩疝婦人小腹腫甚

則噤乾面塵脫色是主肝所生病者胃滿嘔逆洞泄

柯按洞泄孤疝當作洞泄孤疝

孤疝遺溺閉癰盛者則寸口大一倍於人迎虛者則



寸口反小於人迎也

足厥陰之別名曰蠡溝去內踝上五寸別走少陽其

別者循經上舉

柏按原本誤作舉今改正下俱同○津曰舉即臯字之譌本作舉外腎也

結於莖其病氣逆則舉腫卒

津曰卒同猝古字通用

疝實則挺

長熱虛則暴癢取之所別

肝病胃滿脅脹善恚怒叫呼身體有熱而復惡寒四

肢不舉面目白身體滑其脈當弦長而急今反短濇

其色當青而反白者此是金之剋木爲大逆十死不

治

膽足少陽經病證第二凡四條

膽病者善太息口苦嘔宿汁心澹澹恐如人將捕之

噎中介介然數唾候在足少陽之本末亦見於脈脈

陷下者灸之其寒熱刺陽陵泉善嘔有苦汁長太息

心中澹澹善悲恐如人捕

柏按捕下千金方有之邪在膽逆在胃膽液則十字

口苦胃氣逆則嘔苦汁故曰嘔膽刺三里以下胃氣

逆刺足少陽血終

柏按終千金方作絡此誤

以閉膽却調其虛實

以去其邪

膽脹者脅下痛脹口苦太息

厥氣客於膽則夢鬪訟

足少陽之脈起於目兌

津曰兌同銳古字通用下並同

背上抵頭角

下耳後循頸行手少陽之脈前至肩上却交手少陽

之後入缺盆其支者從耳後入耳中出走耳前至兌

背後其支者別兌背下大迎合手少陽於頤

一本云別背上一

上迎手少陽於顛

下加頰車下頸合缺盆以下胷中貫膈絡

肝屬膽循脅裏出氣街遶毛際頭

相按內經千金方均作橫

入脾

厥中其直者從厥

津曰厥當是缺字之譌

盆下腋循胷中過季

脅下合髀厥中以下循髀陽出膝外廉下外輔骨之



前直下抵絕骨之端下出外踝之前循足趺上出小  
指次指之端其支者趺上入大指之閒循大指歧內  
出其端還貫入爪甲出三毛是動則病口苦善太息  
心脅痛不能反側甚則面微塵體無膏澤足外反熱  
是爲陽厥是主骨所生病者頭角痛額相按內經干  
金方均作額  
痛目兌背痛缺盆中腫痛腋下腫痛馬刀挾癭汗出  
振寒瘧胃中脅肋髀膝外至肘絕骨外踝前及諸節  
皆痛小指次指不用盛者則人迎大一倍於寸口虛  
者則人迎反小於寸口也

心手少陰經病證第三

凡二十條

心氣虛則悲不已實則笑不休心氣虛則夢救火陽

物得其時則夢燔灼心氣盛則夢喜笑及恐畏厥氣

客於心則夢兵

相按兵千金方作邱山二字

烟火

病在心日中慧夜半甚平旦靜

病先發於心者心痛一日之肺喘欬三日之肝脅痛

支滿五日之脾閉塞不通身痛體重三日不已死冬

夜半夏日中

心脈搏堅而長當病舌卷不能言其奕而散者當病

柯按卷與捲同

用亭通

消渴自已心脈沉之小而緊浮之不喘苦心下聚氣而痛食不下喜咽唾時手足熱煩滿時忘不樂喜太息得之憂思

赤脈之至也喘而堅診曰有積氣在中時害於食名曰心痺得之外疾思慮而心虛故邪從之心脈急名曰心疝小腹當有形其以心爲牡藏小腸爲之使故小腹當有形

邪哭使魂魄不安者血氣少也血氣少者屬於心心氣虛者其人卽畏

一作囊

合目欲眠夢遠行而精神離



散魂魄妄行陰氣衰者卽爲癲陽氣衰者卽爲狂五  
藏者魂魄之宅舍精神之所依託也魂魄飛揚者其  
五藏空虛也卽邪神居之神靈所使鬼而下之脈短  
而微其藏不足則魂魄不安魂屬於肝魄屬於肺肺  
主津液卽爲涕泣肺氣衰者卽爲泣出肝氣衰者魂  
不安肝主善怒其聲呼

心中風者翕翕發熱不能起心中飢而欲食食則嘔  
心中寒者其人病心如噉蒜狀劇者心痛徹背背痛  
徹心如蟲注其脈浮者自吐乃愈

愁憂思慮則傷心心傷則苦驚喜忘善怒心傷者其人勞倦即頭面赤而下重心中痛徹背自發煩熱當臍跳手其脈弦此為心藏傷所致也

心脹者煩心短氣臥不安心水者其人身體重一作腫而少氣不得臥煩而躁其陰大腫

腎乘心必癢

直心痛手足青相按原本誤作清今改正至節心痛甚旦發夕死

夕發旦死

心腹痛懊懣發作腫聚往來上下行痛有休作心腹

柯按至節當作過節

中熱苦渴涎出是虻咬

津曰咬當作齧下同

也以手聚而堅持

之毋令得移以大針刺之久持之蟲不動乃出針腸中有蟲虻咬皆不可取以小針

心之積名曰伏梁起於臍上上至心大如臂久之不愈病煩心心痛以秋庚辛日得之何也腎病傳心心當傳肺肺適以秋王王者不受邪心復欲還腎腎不肖受因留結爲積故知伏梁以秋得之

心病其色赤心痛短氣手掌煩熱或啼笑罵詈悲思愁慮面赤身熱其脈實大而數此爲可治春當刺中

脈經卷之  
衝夏刺勞宮季夏刺太陵皆補之秋刺閒使冬刺曲

澤皆瀉之

此是手厥陰心包絡經

又當灸巨闕五十壯背第五

椎百壯

心病者胃內痛脅支滿兩脅下痛膺背肩甲閒痛兩  
臂內痛虛則胃腹大脅下與腰背相引而痛取其經  
手少陰太陽舌下血者其變病刺劓中血者

邪在心則病心痛善悲時眩仆視有餘不足而調之

黃帝曰手少陰之脈獨無輸何也岐伯曰少陰者心

脈也心者五臟六府之大主也心爲帝王精神之所



舍其藏堅固邪不能客客

柏按客客千金方作客客

之則傷心心

傷則神去神去則身死矣故諸邪在於心者皆心之包絡包絡也者心主之脈也故少陰無輸焉少陰無輸心不病乎對曰其外經府病藏不病故獨取其經於掌後兌骨之端也

手心主之脈起於胷中出屬心包下膈歷絡三焦其支者循胃出脅下腋三寸上抵腋下循臑內行太陰少陰之間入肘中下臂行兩筋之間入掌中循中指出其端其支者別掌中循小指次指出其端是動則

病手心熱肘臂攣急腋腫甚則胃脅支滿心中澹澹  
 大動面赤目黃善笑不休是主脈所生病者煩心心  
 痛掌中熱盛者則寸口大一倍於人迎虛則寸口反  
 小於人迎也

手心主之别名曰內關去腕二寸出於兩筋間循經  
 以上繫於心包絡心系氣實則心痛虛則為煩心取  
 之兩筋間

柯按其  
 色當赤  
 當作其  
 色當赤

心病煩悶少氣大熱熱上盪心嘔吐欬逆狂語汗出  
 如珠身體厥冷其脈當浮今反沉濡而滑其色當赤

而反黑者此是水之剋火爲大逆十死不治

小腸手太陽經病證第四

凡五條

小腸病者小腹痛腰脊控舉而痛時窘之復耳前熱  
苦寒甚獨肩上熱及手小指次指之間熱若脈陷者  
此其候也

小腹控舉引腰脊上衝心邪在小腸者連舉系屬於  
脊貫肝肺絡心系氣盛則厥逆上衝腸胃動肝肺散  
於盲結於厥

一作齊○津日原注  
齊同臍古字通用

故取之盲源以散

之刺太陰以與之取厥陰以下之取巨虛下廉以去

之按其所過之經以調之

小腸有寒其人下重便膿血有熱必痔小腸有宿食  
常暮發熱明日復止小腸脹者小腸臘脹引腹而痛  
厥氣客於心腸則夢聚邑街衢

手太陽之脈起之於小指之端循手外側上腕出踝  
中直上循臂骨下廉出肘內側兩骨之間上循臑外  
後廉出肩解繞肩甲交肩上入缺盆向腋絡心循咽  
下膈抵胃屬小腸其支者從缺盆循頸上頰至目兌

背柏按原本誤作背今改正下同却入耳中其支者別頰上頰抵鼻



至目內眥斜絡於顴是動則病噎痛頷腫不可以顧  
肩似拔臑似折是主液所生病者耳聾目黃頰頷腫  
頸肩臑肘臂外後廉痛盛者則人迎大再倍於寸口  
虛者則人迎反小於寸口也

脾足太陰經病證第五

凡二十四條○柏按原注四當作五

脾氣虛則四臑不用五藏不安實則腹脹溼漉不利  
脾氣虛則夢飲食不足得其時則夢築垣蓋屋脾氣  
盛則夢柏按夢下干樂體重手足不舉厥氣客於脾  
則夢邱陵大澤壞屋風雨

病在脾日昞慧平旦甚日中持下晡靜

病先發於脾閉塞不通身痛體重一日之胃而

津日而字

疑腹脹二日之腎小腹腰脊痛脛瘦三日之膀胱臂

屈筋痛小便閉十日不已死冬人定夏晏食

脾脈搏堅而長其色黃當病少氣其奕而散色不澤者當病足胛腫若水狀

脾脈沉之而濡浮之而虛苦腹脹煩滿胃中有熱不嗜食食而不化大便難四肢苦痺時不仁得之房內

月使

津日使亦當作水

不來來而頻併

黃脈之至也大而虛有積氣在腹中有厥氣名曰厥  
疝女子同法得之疾使內四肢汗出當風

寸口脈弦而滑弦則爲痛滑則爲實痛卽爲急實卽

爲踊痛踊

柏按當  
作實

相搏卽胃脅搶急

趺陽脈浮而澀浮卽胃氣微澀卽脾氣衰微衰相搏  
卽呼吸不得此爲脾家失度

寸口脈雙緊卽爲入其氣不出無表有裏心下痞堅  
趺陽脈微而澀微卽無胃氣澀卽傷脾寒在於膈而  
反下之寒積不消胃微脾傷穀氣不行食已自噫寒

在胷膈上虛下實穀氣不通為秘塞之病

寸口脈緩而遲緩則為陽其拍按千金方作衛氣長遲則為

陰榮氣促榮衛俱和剛柔相得三焦相承其氣必彊

跌陽脈滑而緊滑即胃氣實緊即脾氣傷得食而不

消者此脾不治也能食而腹不滿此為胃氣有餘腹

滿而不能食心下如飢此為胃氣不行心氣虛也得

食而滿者此為脾家不治

脾中風者翕翕發熱形如醉人腹中煩重皮肉瞶瞶

而短氣也



柯按汗  
出不止  
原本誤  
作汗出  
不正今  
撥正

凡有所擊仆若醉飽入房汗出當風則傷脾脾傷則  
中氣陰陽離別陽不從陰故以三分候死生

脾氣弱病利下白腸垢大便堅不能更衣汗出不止  
名曰脾氣弱或五液注下青黃赤白黑

病人鼻下平者胃病也微赤者病發癰微黑者有熱  
青者有寒白者不治唇黑者胃先病微燥而渴者可

治不渴者不可治臍反出者此爲脾先落

一云  
先終

脾脹者善噦四臍急體重不能衣脾水者其人腹大  
四臍苦重津液不生但苦少氣小便難

跌陽脈浮而澀浮則胃氣彊澀則小便數浮澀相搏大便則堅其脾為約脾約者其人大便堅小便利而反不渴

凡人病脈已解而反

津曰反疑及字之譌

暮微煩者人見病者

差安而彊與穀脾胃氣尙弱不能消穀故令微煩損穀則愈

脾之疾名曰痞氣在胃管覆大如盤久之

久之或作久久

不

愈病四腴不收黃疸食飲不為肌膚以冬壬癸日得之何也肝病傳脾脾當傳腎腎適以冬壬王者不受

邪脾復欲還肝肝不肯受因留結爲積故知痞氣以冬得之

脾病其色黃飲食不消腹苦脹滿體柏按原本誤作休今改正重

節痛大便不利其脈微緩而長此爲可治宜服平胃

丸瀉脾丸茱萸丸附子湯春當刺隱白冬刺陰陵泉

皆瀉之夏刺大都季夏刺公孫秋刺商邱皆補之又

當灸章門五十壯背第十一椎百壯

脾病者必身重苦飢柏按原本誤作饑今改正足痿不收素問作善饑肉

痿足不收○津日原注饑亦當作飢行善瘦脚下痛虛則腹脹腸鳴溏

泄食不化取其經足太陰陽明少陰血者

邪在脾肌肉痛

柏按痛下千金方有陽氣有餘陰氣不足則熱中善飢十三字

陽氣

不足陰氣有餘則寒中腸鳴腹痛陰陽俱有餘若俱

不足則有寒有熱皆調其三里

足太陰之脈起於大指之端循指內側白肉際過核

骨後上內踝前廉上膈內循肱骨後交出厥陰之前

上循膝股內前廉入腹屬脾絡胃上膈俠咽連舌本

散舌下其支者復從胃別上膈注心中是動則病舌

本疆食則嘔

一作吐

胃管痛腹脹善噫得酸與熱則快



柯按得  
後至而  
衰作得  
酸與熱  
則快然  
備食

然而食柏按得酸至而食內經作身體皆重是主脾

所生病者舌本痛體不能動搖食不下煩心心下急

痛寒瘧瘡痕泄水閉黃疸好臥不能食肉脣青疆立

股膝肉痛柏按肉痛二字內經作內腫厥足大指不用盛者則寸

口大三倍於人迎虛者則寸口反小於人迎也

足太陰之別名曰公孫去本節後一寸別走陽明其

別者入絡腸胃厥氣上逆則霍亂實則腹中切痛虛

則鼓脹取之所別

脾病其色黃體青失溲直視脣反張爪甲青飲食吐

逆體重節痛四肢不舉其脈當浮大而緩今反弦細其色當黃今反青此是木之剋土爲大逆十死不治

胃足陽明經病證第六

凡十一條

胃病者腹脹胃管當心而痛上支兩脅膈咽不通飲食不下取三里

飲食不下膈塞不通邪在胃管在上管則抑而刺之在下管則散而去之

胃脈搏堅而長其色赤當病折髀其奕而散者當病食痺脾痛胃中有癖食冷物者痛不能食食熱則能

食胃脹者腹滿胃管痛鼻閒焦臭妨於食大便難

診得胃脈病形何如曰胃實則脹虛則泄

病先發於胃脹滿五日之腎小腹腰脊痛脛痠三日

之膀胱背昭筋痛小便閉五日上之脾閉塞不通身

痛體重

靈樞云  
上之心

六日不已死冬夜半後夏日昃

六日  
一作

三日

脈浮而芤浮則為陽芤則為陰浮芤相搏胃氣上熱

其陽則絕

柯按胃  
氣上熱  
當作胃  
氣生熱

跌陽脈浮者胃氣虛也跌陽脈浮大者此胃家微虛

煩園必日再行芤而有胃氣者脈浮之大而冥微按  
 之芤故知芤而有胃氣也跌陽脈數者胃中有熱卽  
 消穀引食跌陽脈濇者胃中有寒水穀不死相按當作化  
 跌陽脈浮遲者故久病跌陽脈虛則遺溺實則失氣  
 動則頭痛重熱氣朝者屬胃

厥氣客於胃則夢飲食

跌陽脈麤麤而浮者其病難治

足陽明之脈起於鼻交頰中旁約太陽之脈下循鼻

外入上齒中還出俠口環脣下交承漿却循頤後下

廉出大迎循頰車上耳前過客主人循髮際至額顙  
其支者從大迎前下人迎循喉嚨入缺盆下膈屬胃  
絡脾其直者從缺盆下乳內廉下俠臍入氣街中其  
支者起胃下口循腹裏下至氣街中而合以下髀關  
抵伏菟下入膝臏中下循胫外廉下足跗入中指內  
間其支者下膝三寸而別以下入中指外間其支者  
別跗上入大指間出其端是動則病悽悽然振寒善  
伸數欠顏黑病至則惡人與火聞木音則惕然而驚  
心動欲獨閉戶牖而處甚則欲上高而歌棄衣而走



賁響腹脹是為髀一作脗厥是主血一作胃所生

病者狂瘡一作瘡温淫汗出鼽衄口喎唇緊頸腫喉痺

大腹水腫膝臏痛循膺乳柏按乳下內街股伏菟骭

外廉足跗上皆痛中指不用氣盛則身以前皆熱其

有餘於胃則消穀善飢溺色黃氣不足則身以前皆

寒慄胃中寒則脹滿盛者則人迎大三倍於寸口虛

者則人迎反小於寸口也

肺手太陰經病證第七凡十八條

肺氣虛則鼻息利少氣實則喘喝胃憑仰息肺氣虛

則夢見白物見人斬血藉藉得其時則夢見兵戰肺  
氣盛則夢恐懼哭泣厥氣客於肺則飛揚見金鐵之  
器奇物

病在肺下晡慧日中甚夜半靜

病先發於肺喘欬三日之肝脅痛支滿一日之脾閉  
塞不通身痛體重五日之胃腹脹十日不已死冬日  
入夏日出

肺脈搏堅而長當病吐血其濡而散者當病漏汗

漏

作

至今

柏按疑是令字

不復散發

六字疑衍

肺脈沉之而數浮之

而喘

疑作濡

苦洗洗寒熱腹滿腸中熱

肺以小腸為府  
○柏接原注小

腸當作大腸

小便赤肩背痛從腰已上汗出得之房內汗

出當風

白脈之至也喘

疑作濡

而浮大上虛下實驚有積氣在

胷中喘而虛名曰肺痺寒熱得之因醉而使內也

肺中風者口燥而喘身運而重冒而腫脹肺中寒者

其人吐濁涕

形寒寒飲則傷肺以其兩寒相感中外皆傷故氣逆

而上行肺傷者其人勞倦則欬唾血氣

柏按千金方作其

脈

細緊浮數皆吐血此爲操相按當作躁擾嗔怒得之肺傷

氣擁所致

肺脹者虛而滿喘欬逆倚息目如脫狀其脈浮相按浮下

千金方肺水者其人身體重相按千金方作腫而小便難時

時大便鴨溏

肝乘肺必作虛

脈奕而弱弱反在關奕反在顛浮反在上弱反在下

浮則爲陽弱則血不足必弱爲虛浮弱自別浮則自

出弱則爲入浮則爲出不入此爲有表無裏弱則爲

入不出此爲無表有裏陽出極汗齊腰而還此爲無表有裏故名曰厥陽在當汗出不汗出

跌陽脈浮緩少陽微緊微爲血虛緊爲微寒此爲鼠乳其病屬肺

肺之積名曰息賁在右脅下覆大如杯久之不愈病洒洒寒熱氣逆喘欬發肺癰以春甲乙日得之何也心病傳肺肺當傳肝肝適以春王王者不受邪肺復欲還心心不肖受因留結爲積故知息賁以春得之肺病其色白身體但寒無熱時時欬其脈微遲爲可



治宜服五味子大補肺湯瀉肺散春當刺少商夏刺  
魚際皆瀉之季夏刺大淵秋刺經渠冬刺尺澤皆補  
之又當灸臚中百壯背第三椎二十五壯

肺病者必喘欬逆氣肩息背痛汗出尻陰股膝攣髀  
膈肱足皆痛虛則少氣不能報息耳聾隘乾取其經  
手太陰足太陽之外厥陰內少陰血者

邪在肺則皮膚痛發寒熱上氣氣喘汗出欬動肩背  
取之膺中外輪背第三椎之傍以手痛按之快然乃  
刺之取之缺盆中以越之

手太陰之脈起於中焦

津曰原刻焦膈並見今俱改正

下絡大腸還

循胃口上膈屬肺從肺系橫出

柏按出下內經有腋

心主之前

肘中後循背內上骨下廉入寸口上魚循

魚際出大指之端其支者從腕後直次指內廉出其

端是動則病肺脹滿膨膨而喘欬缺盆中痛甚則交

兩手而瞖是為臂厥是主肺所生病者欬上氣喘渴

煩心胃滿臑臂內前廉痛

柏按痛下內經有厥字

掌中熱氣盛

有餘則肩背痛風

柏按風下內經有寒字

汗出

柏按出下內經有中風二字

小便數而次氣虛則肩背痛寒少氣不足以息溺色

變卒遺失無度

相按內經無卒遺五字

盛者則寸口大三倍於

人迎虛者則寸口反小於人迎也

手太陰之別名曰列缺起於腋下

腕一云下

分間別走陽

明其別者並太陰之經直入掌中散入於魚際其實

則手兌掌起虛則欠欬

相按千金方作欬

小便遺數取之去

腕一寸半

肺病身當有熱欬嗽短氣唾出膿血其脈當短澀今

反浮大其色當白而反赤者此是火之剋金為大逆

十死不治

大腸手陽明經病證第八

凡四條

大腸病者腸中切痛而鳴濯濯冬日重感於寒則泄  
當臍而痛不能久立與胃同候取巨虛上廉腸中雷  
鳴氣上衝胃喘不能久立邪在大腸刺盲之原巨虛  
上廉三里

大腸有寒驚漉有熱便腸垢大腸有宿食寒慄發熱  
有時如瘧狀大腸脹者腸鳴而痛寒則泄食不化  
厥氣客於大腸則夢田野

手陽明之脈起於大指次指之端外側循指上廉出

合谷兩骨之間上入兩筋之中循臂上廉上入肘外

廉循臑外前廉上肩出髃骨之前廉上出柱骨之會

上下入缺盆絡肺下膈屬大腸其支者從缺盆直入

上頭柏按內經作頸貫頰入下齒縫中還出俠口交人中左

之右右之左上俠鼻孔是動則病齒痛頰柏按內經作頸腫

是主津所生病者目黃口乾𩑦衄喉痺肩前臑痛大

指次指痛不用氣盛有餘則當脈所過者熱腫虛則

寒慄不復盛者則人迎大三倍於寸口虛者則人迎

反小於寸口也



腎足少陰經病證第九

凡十  
六條

腎氣虛則厥逆實則脹滿四臑正黑腎氣虛則夢見  
舟船溺人得其時夢伏水中若有畏怖腎氣盛則夢  
腰脊兩解不相屬厥氣客於腎則夢臨淵沒居水中  
病在腎夜半慧日垂四季甚下晡靜

病先發於腎小腹腰脊痛脛瘦一

相按原本誤作三  
今據千金方改正

日之膀胱背胛筋痛小便閉二日上之心心痛三日  
之小腸脹四日不已死冬早食夏晏晡

腎脈搏堅而長其色黃而赤當病折腰其奕而散者

當病少血腎脈沉之大而堅浮之大而緊苦手足骨  
腫厥而陰不興腰脊痛小腹腫心下有水氣時脹閉  
時泄得之浴水中身未乾而合房內及勞倦發之  
黑脈之至也上堅而大有積氣在小腹與陰名曰腎  
痺得之沐浴清水而臥

凡有所用力舉重若入房過度汗出如浴水則傷腎  
腎脹者腹滿引背央央然髀痛腎水者其人腹大臍  
腫腰重痛不得溺陰下溼如牛鼻頭汗其足逆寒大  
便反堅

腎著之為病從腰以下冷腰重如帶五車柏按千金方作千

錢腎著柏按原本誤作署今改正之病其人身體重腰中冷如水

狀一作如水洗狀一作如坐水中形如水狀○津曰原註形如水狀疑有誤反不渴小便

自利食飲如故是其證也病屬下焦從身勞汗出衣

裏冷溼故久久得之

腎之積名曰奔豚發於小腹上至心下如豚奔走之

狀上下無時久之不愈病喘逆骨痿少氣以夏丙丁

日得之何也脾病傳腎腎當傳心心適以夏王者

不受邪腎復欲還脾脾不肖受因留結為積故知奔

豚以夏得之

水流夜疾何以故師曰土休故流疾而有聲人亦應  
之人夜臥則脾不動搖脈爲之數疾也

腎病其色黑其氣虛弱吸吸少氣兩耳苦聾腰痛時

時失精飲食減少膝以下清相按當  
作清其脈沉滑而遲

此爲可治宜服內補散建中湯腎氣丸地黃煎春當

刺湧泉秋刺伏留冬刺陰谷皆補之夏刺然谷季夏

刺大溪相按當  
作谿皆瀉之又當灸京門五十壯背第十

四椎百壯

腎病者必腹大脛腫痛喘欬身重寢汗出憎風虛卽  
胷中痛大腹小腹痛清厥意不樂取其經足少陰太  
陽血者

邪在腎則骨痛陰痺陰痺者按之而不得腹脹腰痛  
大便難肩背頸項彊痛時眩取之湧泉崑崙視有血  
者盡取之

足少陰之脈起於小指之下斜趣足心出然骨之下  
循內踝之後別入跟中以上膈內出膈中內廉上股  
內後廉貫脊屬腎絡膀胱其直者從腎上貫肝膈入



肺中循喉嚨俠舌本其支者從肺出絡心注胷中是

動則病飢而不欲食面黑如炭色

一作地色

欬唾則有血

喉鳴而喘坐而欲起目眈眈無所見心懸若飢狀氣

不足則善恐心惕惕若人將捕之是爲腎厥

一作痿

是

主腎所生病者口熱舌乾咽腫上氣噎乾及痛煩心

心痛黃疸腸澼脊股內後廉痛痿厥嗜臥足下熱而

痛灸則疆食而生害

一作肉

緩帶被髮大杖重履而步

盛者則寸口大再倍於人迎虛者則寸口反小於人

迎也

用經集卷六  
足少陰之別名曰大鍾當踝後繞跟別走太陽其別者並經上走於心包下貫腰脊其病氣逆則煩悶實則閉癢虛則腰痛取之所別

腎病手足逆冷面赤目黃小便不禁骨節煩疼小腹結痛氣衝於心其脈當沉細而滑今反浮大其色當黑而反黃此是土之剋水爲大逆十死不治

膀胱足太陽經病證第十條

凡五

膀胱病者小腹偏腫而痛以手按之則欲小便而不得肩膊上熱若脈陷足小指外側及脛踝後皆熱若脈

陷者取委中

膀胱脹者小腹滿而氣癢

病先發於膀胱者背脰筋痛小便閉五日之腎小腹  
腰脊痛脛瘦一日之小腸脹一日之脾閉塞不通身  
痛體重二日不已死冬鷄鳴夏下晡

一云  
日夕

厥氣客於膀胱則夢遊行

足太陽之脈起於目內背上額交顛上其支者從顛  
至耳上角其直者從顛入絡腦還出別下項循肩膊  
內俠脊抵腰中入循脊絡腎屬膀胱其支者從腰中

下會於後陰下貫臀入膈中其支者從膈內左右別

下貫

一作脾○相按正文貫下當有脾字原注脾字千金方作臄

過髀樞循髀外

後廉下合膈中以下貫膈內出外踝之後循京骨至

小指外側是動則病衝頭痛目似脫項似拔脊痛腰

似折髀不可以曲膈如結膈如裂是為踝厥是主筋

所生病者痔瘡狂顛疾頭腦頂痛目黃淚出鼽衄項

背腰尻膈膈脚皆痛小指不用盛者則人迎大再倍

於寸口虛者則人迎反小於寸口也

三焦手少陽經病證第十一條凡四

三焦病者腹脹氣滿小腹尤堅不得小便窘急溢則  
爲水留則爲脹候在足太陽之外大絡在太陽少陽  
之間亦見於脈取委陽少腹病腫不得小便取相接  
千金方有太陽大脈與厥陰小絡結之血者腫上及  
絡視其結七字胃管取三里

三焦脹者氣滿於皮膚鼓鼓然而堅不疼

熱在上焦因欬爲肺痿熱在中焦因腹堅熱在下焦  
因溺血

手少陽之脈起於小指次指之端上出兩指之間循



手表腕出臂外兩骨之間上貫肘循臑外上肩而交出足少陽之後入缺盆交臑中散絡心包下膈徧屬三焦其支者從臑中上出缺盆上項俠耳後直上出耳上角以屈下額一作頤至頤其支者從耳後入耳中出走耳前過客主人前交頰至目兌眦是動則病耳聾輝輝焯焯隘腫喉痺是主氣所生病者汗出目兌眦痛頰腫耳後肩臑肘臂痛小指次指不用盛者則人迎大一倍於寸口虛者則人迎反小於寸口也

脈經真本卷之六終

脈經真本卷之七

柏按此卷前二十篇俱出傷寒論閒採肉經以益之後四篇不知所

出

病不可發汗證第一

津曰原刻證証症一字並見今俱改正

病可發汗證第二

病發汗以後證第三

病不可吐證第四

病可吐證第五

病不可下證第六

病可下證第七

病發汗吐下以後證第八

病可溫證第九

病不可灸證第十

病可灸證第十一

病不可刺證第十二

病可刺證第十三

病不可水證第十四

病可水證第十五

病不可火證第十六

病可火證第十七

熱病陰陽交並少陰厥逆陰陽竭盡生死證

第十八

重實重虛陰陽相附生死證第十九

熱病生死期日證第二十

熱病十逆死日證第二十一

熱病五藏氣絕死日證第二十二

熱病至脈死日證第二十三

熱病損脈死日證第二十四

病不可發汗證第一

凡三十四條○津曰當云三十二條

少陰病脈細沉數病為在裏不可發其汗

脈浮而緊法當身體疼痛當以汗解假令尺中脈遲

者不可發其汗何以知然此榮氣不足血微少故也

少陰病脈微

一作濡而弱微

不可發其汗無陽故也

脈濡而弱弱反在關濡反在顛微反在上澀反在下

微則陽氣不足澀則無血陽氣反微中風汗出而反

躁煩澀則無血厥而且寒陽微發汗躁不得眠

動氣在右不可發汗發汗則衄而渴心苦煩飲即吐



水

動氣在左不可發汗發汗則頭眩汗不止筋惕肉瞤  
動氣在上不可發汗發汗則氣上衝正在心端

動氣在下不可發汗發汗則無汗心中大煩骨節苦

疼目運

津曰運疑與暈字  
通用下陽運字同

惡寒食即反吐穀不得前

一云穀  
不消化

咽中閉塞不可發汗發汗則吐血氣微

相按微傷  
寒論作欲絕

手足逆冷欲得蹇臥不能自温

諸脈數動微弱並不可發汗發汗則大便難腹中乾

難胞中乾一云小便胃燥而煩

脈濡而弱弱反在關濡反在顛弦反在上微反在下

弦為陽運微為陰寒上實下虛意欲得溫微弦為虛

不可發汗發汗則寒慄不能自還欬者則劇數吐涎

沫咽中必乾小便不利心中飢煩暍時而發其形似

瘧有寒無熱虛而寒慄欬而發汗蹇而苦滿滿一作心痛

腹中復堅

厥相按厥下傷寒論有脈緊二字不可發汗發汗則聲亂咽嘶舌痿

穀相按穀傷寒論作聲不得前諸逆發汗微者難愈劇者言亂

睛眩者死命將難全

太陽病得之八九日如瘧狀發熱而惡寒熱多寒少  
其人不嘔清便續自下一日再三發其脈微而惡寒  
此爲陰陽俱虛不可復發汗也

太陽病發熱惡寒熱多寒少脈微弱則無陽也不可  
復發其汗

咽乾燥者不可發汗

亡血家不可攻其表汗出而寒慄而振

衄家不可攻其表汗出必額陷脈上促急而緊直視

而不能胸不得眠

汗家重發其汗必恍惚心亂小便已陰疼可與禹餘糧丸

淋家不可發汗發其汗必便血

瘡家雖有身疼不可攻其表汗出自瘰一作瘰冬時

發其汗必吐利口中爛生瘡

不利清穀不可攻其表汗出必脹滿津曰不利疑是下利之譌

欬而小便利若失小便不可攻其表汗出則厥逆冷

汗出多堅發其汗亦堅

傷寒一二日至四五日厥者必發熱前厥者後必熱厥深者熱亦深厥微者熱亦微厥應下之而反發其汗必口傷爛赤

病人脈數數爲有熱當消穀引食反吐者醫發其汗陽微膈氣虛脈則爲數數爲客陽不能消穀胃中虛今柏按今當作冷故令吐也

傷寒四五日其脈沉煩而喘滿沉脈者病爲在裏反發其汗津液越出大便爲難表虛裏實久則譫語

傷寒頭痛翕翕發熱形象中風常微汗出又自嘔者



下之益煩心懊懜如飢發汗則致瘥身彊難以屈伸  
熏之則發黃不得小便久則發欬唾

太陽病發其汗因致瘥

傷寒脈弦細頭痛而反發熱此屬少陽少陽不可發  
其汗

太陽與少陽併病頭項彊痛或眩冒時如結胷心下  
痞堅者不可發其汗

少陰病欬而下利譫語者此被火氣劫故也小便必  
難以彊責少陰汗也

少陰病但厥無汗而彊發之必動其血未知從何道  
出或從口鼻或從目出者是爲下厥上竭爲難治

傷寒有五皆熱病之類也其形相象根本異源同病

異名同脈異經病雖俱傷於風其人自有固柏按固醫門法

津引作錮○津曰字本作痼古字通用固錮疾則不得同法其人素傷於

風因復傷於熱風熱相薄則發風温四肢不收頭痛

身熱常汗出不解治在少陰厥陰不可發汗汗出譫

語獨語內煩燥擾不得臥善驚目亂無精治之復發

其汗如此柏按此下醫門法律所引有死字下條同者醫殺之也

柯按暘音謁中

熱也夏

大旱民

多暘死

柯按腹

滿又胃

當作腹

滿又胃

傷寒溼温其人常傷於溼因而中暘溼熱相薄則發

溼温病苦兩脛逆冷腹滿又胃頭目痛苦妄言治在

足太陰不可發汗汗出必不能言耳聾不知痛所在

身青面色變名曰重暘如此者醫殺之也

右二首出醫律

病可發汗證第二 凡四十六條

大法春夏宜發汗

凡發汗欲令手足皆周至熱熱一時閒益佳但不欲

如水流離若病不解當重發汗汗多則亡陽陽虛不

得重發汗也

凡服湯藥發汗中病便止不必盡劑也

凡云可發汗而無湯者丸散亦可用要以汗出為解

然不如湯隨證良

太陽病外證未解其脈浮弱當以汗解宜桂枝湯

太陽病脈浮而數者可發其汗屬桂枝湯證

陽明病脈遲汗出多微惡寒表為未解可發其汗屬

桂枝湯證

夫病脈浮大問病者言便堅柏按堅傷寒論作鞭耶設利者為

虛柏按傷寒論無虛字大逆堅為實汗出而解何以故脈浮當

以汗解

傷寒其脈不弦緊而弱弱者必渴被火必譫語弱者發熱脈浮者解之當汗出愈

病者煩熱汗出即解復如瘧狀日晡所

柏按所當作時

發熱

此屬陽明脈浮虛者當發其汗屬桂枝湯證

病常自汗出此爲榮氣和榮氣和而外不解此衛不和也榮行脈中爲陰主內衛行脈外爲陽主外復發其汗衛和則愈屬桂枝湯證

病人藏無他病時發熱自汗出而不愈此衛氣不和



也非其時發汗則愈屬桂枝湯證

脈浮而緊浮則爲風緊則爲寒風則傷衛寒則傷榮榮衛俱病骨節煩疼可發其汗宜麻黃湯

太陽病不解熱結膀胱其人如狂血必自下下者卽愈其外未解者尙未可攻當先解其外屬桂枝湯證  
太陽病下之微喘者表未解故也屬桂枝加厚朴杏子湯證

傷寒病脈浮緊不發其汗因衄屬麻黃湯證

陽明病脈浮無汗其人必喘發其汗則愈屬麻黃湯

證

太陰病脈浮者可發其汗屬桂枝湯證

太陽病脈浮緊無汗而發熱其身疼痛八九日不解

表候續在此當發其汗服湯微除發煩目瞑劇者必

衄衄乃解所以然者陽氣重故也屬麻黃湯證

脈浮者病在表可發其汗屬桂枝湯證

一云麻黃湯

傷寒不大便六七日頭痛有熱與承氣湯其大便大

青

一作小便清○柏按正文青當是清字脫文或作大便不實原注本傷寒論

此為不在

裏故在表也當發其汗頭痛者必衄桂枝湯證

下利後身體疼痛清便自調急當救表宜桂枝湯  
太陽病頭痛發熱汗出惡風若惡寒屬桂枝湯證

太陽中風陽浮而陰濡

相按傷寒論  
無濡字下同

弱浮者熱自發

濡弱者汗自出嗇嗇惡寒淅淅惡風翕翕發熱鼻鳴  
乾嘔屬桂枝湯證

太陽病發熱汗出此爲榮弱衛彊故使汗出欲救邪  
風屬桂枝湯證

太陽病下之氣上撞可與桂枝湯不撞不可與之

太陽病初服桂枝湯而反煩不解者法當先刺風池

風府却與桂枝湯則愈

燒針令其汗針處被寒核起而赤者必發黃脈氣從小腹上撞心者灸其核上一壯與桂枝加桂湯

太陽病項背彊兀兀反汗出惡風屬桂枝加葛根湯  
太陽病項背彊兀兀無汗惡風屬葛根湯

太陽與陽明合病而自利下嘔者屬葛根湯證

太陽與陽明合病不下利但嘔屬葛根加半夏湯

太陽病桂枝證醫反下之遂利不止其脈促者表未

解喘而汗出屬葛根黃芩黃連湯

太陽病頭痛發熱身體疼腰痛骨節疼痛惡風無汗而喘屬麻黃湯證

太陽與陽明合病喘而胃滿不可下也屬麻黃湯證  
太陽中風脈浮緊發熱惡寒身體疼痛不汗出而煩躁頭痛屬大青龍湯脈微弱汗出惡風不可服之服之則厥筋惕肉瞤此爲逆也

傷寒脈浮緩其身不疼但重乍有輕時無少陰證者大青龍湯發之

傷寒表不解心下有水氣乾嘔發熱而欬或渴或利



或噎或小便不利小腹滿或微喘屬小青龍湯

傷寒心下有水氣欬而微喘發熱不渴服湯已而渴者此寒去爲欲解屬小青龍湯證

陽明中風脈弦浮大而短氣腹都滿脅下及心痛久

按之氣不通

一作按之不痛

鼻乾不得汗嗜臥一身及目悉

黃小便難有潮熱時時噦耳前後腫刺之小差外不解病過十日脈浮與小柴胡湯但浮無餘證與麻黃湯不溺腹滿加噦不治

太陽病十日以去脈浮細嗜臥此爲外解設胃滿脅

痛與小柴胡湯脈浮者屬麻黃湯證

中風往來寒熱傷寒五六日以後胃脅苦滿嘿嘿不欲飲食煩心喜嘔或胃中煩而不嘔或渴或腹中痛或脅下痞堅或心中悸小便不利或不渴外有微熱或欬者屬小柴胡湯

傷寒四五日身體熱惡風頸項彊脅下滿手足溫而渴屬小柴胡湯證

傷寒六七日發熱微惡寒支節煩痛微嘔心下支結外證未去者屬柴胡桂枝湯

少陰病得之二三日麻黃附子甘草湯微發汗以二

三日無

柏按無下傷寒論有裏字

證故微發汗也

脈浮小便不利微熱消渴與五苓散利小便發汗

病發汗以後證第三

凡二十七條

二陽併病太陽初得病時發其汗汗先出復不徹因

轉屬陽明續自微汗出不惡寒若太陽證不罷不可

下下之為逆如此者可小發其汗設面色緣緣正赤

者陽氣怫鬱在表當解之熏之若發汗不大徹不足

言陽氣怫鬱不得越當汗而不汗其人躁煩不知痛

處乍在腹中乍在四肢按之不可得其人短氣但坐汗出而不徹故也更發其汗卽愈何以知其汗不徹脈澀故以知之

未持脈時病人叉手自冒心師因教試令欬而不卽欬者此必兩耳無所聞也所以然者重發其汗虛故也

發汗後飲水多者必喘以水灌之亦喘

發汗後水藥不得入口爲逆若更發其汗必吐下不止

陽明病本自汗出醫復重發其汗病已差其人微煩  
不了了此大便堅也以亡津液胃中乾燥故令其堅  
當問小便日幾行若本日三四行今日再行者必知  
大便不出久今爲小便難少津液當還入胃中故知  
必當大便也

發汗多又復發其汗此爲亡陽若譫語脈短者死脈  
自和者不死

傷寒發其汗身目爲黃所以然者寒食相搏在裏不  
解故也



柯按必吐蚘蚘

字下當有蟲字

病人有寒復發其汗胃中冷必吐蚘

太陽病發其汗遂漏而不止其人惡風小便難四肢

微急難以屈伸屬桂枝加附子湯

服桂枝湯大汗出若脈但洪大與桂枝湯若其形如

瘧一日再三發汗出便解屬桂枝二麻黃一湯

服桂枝湯大汗出大煩渴不解若脈洪大屬白虎湯

傷寒脈浮自汗出小便數煩復

相按煩復二字傷寒論作心煩

微惡

寒而脚攣急反與桂枝湯欲攻其表得之便厥因乾

煩燥吐逆當作甘草乾姜湯以復其陽厥愈足温更

作芍藥甘草湯與之其脚卽伸而胃氣不和譫語可  
與承氣湯相按湯下傷寒論有若字重發其汗復加燒針者屬四

逆湯

傷寒發汗以解半日許復煩其脈浮數可復發其汗  
屬桂枝湯

發汗後身體疼痛其脈沉遲屬桂枝加芍藥生姜人  
參湯

發汗後不可更行桂枝湯汗出而喘無大熱可以麻

黃杏子甘草石膏湯

柯按其  
人又手

淨  
當作又

發汗過多以後其人又手自冒心心下悸而欲得按  
之屬桂枝甘草湯

發汗後其人心下悸欲作賁豚狀撞臍屬桂枝甘草  
大棗湯

發汗後腹脹滿屬厚朴生姜半夏甘草人參湯發其  
汗不解而反惡寒者虛故也屬芍藥甘草附子湯不  
惡寒但熱者實也當和其胃氣宜小承氣湯

太陽病發汗若大汗出胃中燥煩不得眠其人欲飲  
水當稍飲之令胃中和則愈

發汗已脈浮而數復煩渴者屬五苓散

傷寒汗出而渴屬五苓散證不渴屬茯苓甘草湯

太陽病發其汗汗出不解其人發熱心下悸頭眩身  
潤而動振振欲仆地屬元武湯

傷寒汗出解之後胃中不和心下痞堅乾噫食臭脅  
下有水氣腹中雷鳴而利屬生姜瀉心湯

傷寒發熱汗出不解後心中痞堅嘔而不利屬大柴  
胡湯

太陽病三日發其汗不解蒸蒸發熱者屬於胃也屬

承氣湯

大汗出熱不去內拘急四肢疼下利厥逆而惡寒屬  
四逆湯

發汗多亡陽譫語者不可下與柴胡桂枝湯和其榮  
衛以通津液後自愈

病不可吐證第四

凡四條

太陽當惡寒而發熱今自汗出反不惡寒發熱關上  
脈細而數此醫吐之過也若得病一日二日吐之腹  
中飢口不能食三日四日吐之不喜糜粥欲食冷食



朝食暮吐此醫吐之所致也此爲小逆

太陽吐之者但太陽當惡寒今反不惡寒不欲近衣此爲吐之內煩也

少陰病飲食入則吐心中溫溫欲吐復不能吐如得之手足寒脈弦遲此胃中實不可下若膈上有寒飲乾嘔者不可吐當溫之

諸四逆厥者不可吐之虛家亦然

病可吐證第五

凡七條

大法春宜吐

凡服湯吐中病便止不必盡劑也

病如桂枝證其頭不痛其項不彊寸口脈微浮胷中痞堅氣上撞咽喉不得息此爲胷有寒當吐之

病胷上諸實胷中鬱鬱而痛不能食欲使人按之而反有濁唾下利日十餘行其脈反遲寸口微滑此可

吐之

柏按吐之下傷寒論重有吐之二字

利卽止

少陰病飲食入則吐心中溫溫欲吐復不能吐當遂吐之

宿食在上管當吐之

病者手足厥冷脈乍緊邪結在胃中心下滿而煩飢不能食病在胃中當吐之

病不可下證第六

凡四十一條○津曰當云四十二條

脈濡而弱弱反在關濡反在顛微反在上澀反在下微則陽氣不足澀則無血陽氣反微中風汗出而反燥煩澀則無血厥而且寒陽微不可下下則心下痞堅

動氣在右不可下下則津液內竭咽燥鼻乾頭眩心

悸

動氣在左不可下下之則腹裏拘急食不下動氣反劇身雖有熱臥反欲蹠

動氣在上不可下下之則掌握熱煩身浮熱冷汗自泄欲水自灌

動氣在下不可下下之則腹滿卒起頭眩食則下清穀心下痞堅

咽中閉塞不可下下之則上輕下重水漿不下臥則欲蹠身體急痛復下利日十數行

諸外實不可下下之則發微熱亡脈則厥當臍發熱

柯按引水者則愈當作引水者首愈

諸虛不可下下之則渴引水者則愈惡水者劇

脈濡而弱弱反在關濡反在顛弦反在上微反在下

弦爲陽運微爲陰寒上實下虛意欲得溫微弦爲虛

虛者不可下微則爲欬欬則吐涎沫下之欬則止而

利不休胷中如蟲齧粥入則出小便不利兩脅拘急

喘息爲難頸項相牽臂則不仁極寒反出汗軀冷若

冰眼睛不慧語言不休穀氣多入則爲中滿

相按中滿二字

傷寒論口雖欲言舌不得前

脈濡而弱弱反在關濡反在顛浮反在上數反在下



柯按虛  
當作瘧

浮爲陽虛數爲無血浮則爲虛數則生熱浮則爲虛  
自汗惡熱數則爲痛振而寒慄微弱在關胷下爲急  
喘滿汗流不得呼吸呼吸之中痛在於脅振寒相搏  
其形如虐醫反下之令脈急數發熱狂走見鬼恍惚  
心下爲痞小便淋瀝少腹甚堅小便血出

脈濡而緊濡則陽氣微緊則榮中寒陽微衛中風發  
熱而惡寒榮緊胃氣冷微嘔心內煩醫以爲大熱解  
肌而發汗亡陽虛煩燥心下苦痞堅表裏俱虛竭卒  
起而頭眩客熱在皮膚悵快不得眠不知胃氣冷緊

寒在關元技巧無所施汲水灌其身客熱應時罷慄  
 慄而振寒重被而覆之汗出而冒顛體惕而又振小  
 便為微難寒氣因水發清穀不容閒嘔胃反腸出顛  
 倒不得安手足為微逆身冷而內煩遲欲從後救安  
 可復追還

脈浮而大浮為氣實大為血虛血虛為無陰氣實為

孤陽當小便難胞

津曰胞  
與脾同

中虛今反小便利而大汗

出法衛家當微今反更實津液四射榮竭血盡虛煩

不眠血薄肉消而成暴液醫以藥攻其胃此為重虛

客陽去有期必下如污泥而死

跌陽脈遲而緩胃氣如經也跌陽脈浮而數浮則傷胃數則動脾此非本病醫特下之所爲也榮衛內陷其數先微脈又但浮其人必大便堅氣噫而除何以言之脾脈本緩今數脈動脾其數先微故知脾氣不治大便堅氣噫而除今脈反浮其數改微邪氣獨流心中則飢邪熱殺穀潮熱發渴數脈當遲緩脈因前後度數如法病者則飢數脈不時則生惡瘡

疑有脫誤

脈數者久數不止止則邪結正氣不能復正氣却結

於藏故邪氣浮之與皮毛相得脈數者不可下下之  
必煩利不止

少陰病脈微不可發其汗無陽故也陽已虛尺中弱  
澀者復不可下復之

脈浮大應發其汗醫反下此爲大逆

脈浮而大心下反堅有熱屬藏者攻之不令發汗屬  
府者不令溲數溲數則大便堅汗多則熱愈汗少則  
便難脈遲尙未可攻

二陽併病太陽初得病時發其汗汗先出復不徹因

轉屬陽明欲自汗出不惡寒若太陽證不罷不可下之爲逆

結胃證其脈浮大不可下下之卽死

太陽與陽明合病喘而胃滿不可下之

太陽與少陽併病心下痞堅頸項彊而眩勿下之

諸四逆厥者不可下之虛家亦然

病欲吐者不可下之

太陽病有外證未解不可下下之爲逆

病發於陽而反下之熱入因作結胃發於陰而反下



之因作痞

痞脈浮堅而下之緊反入裏因作痞

夫病陽多者熱下之則堅本虛攻其熱必噦無陽陰  
疆而堅下之必清穀而腹滿

太陰之爲病腹滿而吐食不下下之益甚復時自痛  
胃下結堅

厥陰之爲病消渴其上撞心中疼熱飢而不欲食甚

者則欲吐下之不肯止

柏按不肯止傷  
寒論作利不止

少陰病其人飲食入則吐心中溫溫欲吐復不能吐

始得之手足寒脈弦遲此胷中實不可下也

傷寒五六日不結胷腹濡脈虛復厥者不可下下之  
亡血死

傷寒發熱但頭痛微汗出發其汗則不識人熏之則  
喘不得小便心腹滿下之則短氣而腹滿小便難頭  
痛背彊加溫針則必衄

傷寒其脈陰陽俱緊惡寒發熱則脈欲厥厥者脈初  
來大漸漸小更來漸大是其候也惡寒甚者翕翕汗  
出喉中痛熱多者目赤睛不慧醫復發之咽中則傷

若復下之則兩目閉寒多清穀熱多便膿血熏之則發黃熨之則咽燥小便利者可救難者必危殆

傷寒發熱口中勃勃氣出頭痛目黃衄不可制貪水

者必嘔惡水者厥下之咽中生瘡假令手足溫者下

之

柏按下之二字傷寒論作必一字

下重便膿血頭痛目黃者下之

目閉貪水者下之其脈必厥其聲嚶咽喉塞發其汗則戰慄陰陽俱虛惡水者下之裏冷不嗜食大便完穀出發其汗口中傷舌上胎滑煩燥脈數實不大便六七日後必便血復發其汗小便即自利

得病二三日脈若無太陽柴胡證而煩燥心下堅至  
四日雖能食以承氣湯少與微和之令小安至六日  
與承氣湯一升不大便六七日小便少者雖不大便  
但頭堅後溏未定成其堅攻之必溏當須小便利定  
堅乃可攻之

藏結無陽證寒而不熱

傷寒論云不  
往來寒熱

其人反靜舌上

胎滑者不可攻也

傷寒嘔多雖有陽證不可攻之

陽明病潮熱微堅者可與承氣湯不堅不可與若不

大便六七日恐有燥屎欲知之法可少與小承氣湯  
腹中轉氣者此爲有燥屎乃可攻之若不轉氣者此  
但頭堅後溏不可攻之攻之必腹滿不能食欲飲水  
者卽噦其後發熱者必腹堅以小承氣湯和之若不  
轉氣者慎不可攻之

陽明病自汗色赤者不可攻也必發熱色黃者小便  
不利也

陽明病當心下堅滿不可攻之攻之遂利不止者死  
止者愈



陽明病自汗出若發其汗小便自利此爲內竭雖堅不可攻之當須自欲大便宜蜜煎導而通之若土瓜根及豬膽汁皆可以導

下利其脈浮大此爲虛以彊下之故也設脈浮草因爾腸鳴屬當歸四逆湯

病可下證第七

凡三十  
五條

大法秋宜下

凡可下者以湯勝丸散中病便止不必盡服之

陽明病發熱汗多者急下屬大柴胡湯

少陰病得之二三日口燥咽乾者急下之屬承氣湯  
少陰病六七日腹滿不大便者急下之屬承氣湯證  
少陰病下利清水色青者心下必痛口乾燥者可下  
之屬大柴胡湯承氣湯證

下利三部脈皆平按其心下堅者可下之屬承氣湯  
證

陽明與少陽合病而利脈不負者爲順負者失也互  
相刻賊爲負

滑而數者有宿食當下之屬大柴胡承氣湯證

傷寒後脈沉沉爲內實玉函云脈沉實下之解屬大

柴胡湯證

傷寒六七日目中不了了睛不和無表裏證大便難  
微熱者此爲實急下之屬大柴胡湯承氣湯證

太陽病未解其脈陰陽俱停必先振汗出解但陽微  
者先汗之而解但陰微者先下之而解屬大柴胡湯

證陰微一作尺實

脈雙弦遲心下堅脈大而緊者陽中有陰可下之屬

承氣湯證

結胃者項亦彊如柔瘥狀下之卽和

病者無表裏證發熱七八日雖脈浮數可下之屬大柴胡湯證

太陽病六七日表證續在其脈微沉反不結胸其人熱狂此熱在下焦少腹當堅而滿小便自利者下血乃愈所以然者以太陽隨經瘀熱在裏故也屬抵當湯

太陽病身黃其脈沉結少腹堅小便不利爲無血小便自利其人如狂者血證諦屬抵當湯證

傷寒有熱而少腹滿應小便不利而反利者此爲血當下之屬抵當丸證

傷

柏按傷當作陽

明病發熱而汗出此爲熱越不能發黃但

頭汗出其身無有齊頸而還小便不利渴飲水漿此爲瘀熱在裏身必發黃屬茵陳蒿湯

陽明證其人喜忘必有畜血所以然者本有久瘀血故令喜忘雖堅大便必黑屬抵當湯證

汗出而譫語者有燥屎在胃中此風也過經乃可下之下之若早語言亂以表虛裏實故也下之則愈屬



大柴胡湯承氣湯證

病者煩熱汗出卽解復如瘧狀日晡時發者屬陽明脈實者當下之屬大柴胡湯承氣湯證

陽明病譫語有潮熱而反不能食者必有燥屎五六枚若能食者但堅耳屬承氣湯證

太陽中風下利嘔逆表解乃可攻之其人漐漐汗出發作有時頭痛心下痞堅滿引脅下痛嘔則短氣汗出不惡寒此爲表解裏未和屬十棗湯證

太陽病不解熱結膀胱其人如狂血自下下者卽愈

其外未解尙未可攻當先解其外外解小腹急結者  
乃可攻之屬桃仁承氣湯

傷寒七八日身黃如橘小便利少腹微滿茵陳蒿  
湯證

傷寒十餘日熱結在裏復往來寒熱屬大柴胡湯證  
但結胃無大熱此爲水結在胃脅頭微汗出與大陷  
胃湯

傷寒六七日結胃熱實其脈沉緊心下痛按之如石  
堅與大陷胃湯

陽明病其人汗多津液外出胃中燥大便必堅堅者必譫語屬承氣湯證

陽明病不吐下而心煩者可與承氣湯

陽明病其脈遲雖汗出而不惡寒其體必重短氣腹滿而喘有潮熱如此者其外爲解可攻其裏若手足濈然汗出者此大便已堅屬承氣湯其熱不潮未可與承氣湯若腹滿大而不大便者屬小承氣湯微和胃氣勿令至大下

陽明病譫語發潮熱其脈滑疾如此者屬承氣湯因

與承氣湯一升腹中轉氣者復與一升如不轉氣者  
勿更與之明日又不大便脈反微澀者此爲裏虛爲  
難治不可更與承氣湯

二陽併病太陽證罷但發潮熱手足漿漿汗出大便  
難而譫語者下之愈屬承氣湯證

病人小便不利大便乍難乍易時有微熱喘胃

柏按胃傷

寒論  
作冒

不能臥有燥屎也屬承氣湯證

病發汗吐下以後證第八

凡五十八條

師曰病人脈微而澀者此爲醫所病也大發其汗又

數大下之其人亡血病當惡寒而發熱無休止時夏  
月盛熱而欲著複衣冬月盛寒而欲裸其體所以然  
者陽微而惡寒陰弱卽發熱醫發其汗使陰氣微又  
大下之令陰氣弱五月之時陽氣在表胃中虛冷以  
陽氣內微不能勝冷故欲著複衣十一月之時陽氣  
在裏胃中煩熱以陰氣內弱不能勝熱故欲裸其體  
又陰脈遲澀故知亡血

太陽病三日已發其汗吐下溫針而不解此爲壞病  
桂枝復不中與也觀其脈證知犯何逆隨證而治之



脈浮數法當汗出而愈而下之則身體重心悸不可發其汗當自汗出而解所以然者尺中脈微以裏虛須表裏實津液和即自汗出愈

凡病若發汗若吐若下若亡血無津液而陰陽自和者必愈

大下後發汗其人小便不利此亡津液勿治其小便利必自愈

下以後復發其汗必振寒又其脈微細所以然者內外俱虛故也

太陽病先下而不愈因復發其汗表裏俱虛其人因  
冒冒家當汗出自愈所以然者汗出表和故也表和  
然後下之

得病六七日脈遲浮弱惡風寒手足溫醫再三下之

不能多

多一作食

其人脅下滿面目及身黃頸項彊小便

難與柴胡湯後必下重大渴飲水而嘔柴胡湯不復  
中與也食穀者噦

太陽病二三日終不能臥但欲起者心下必結其脈

微弱者此本寒也而反下之利止者必結胃未止者

四五日復重下之此挾熱利也

太陽病下之其脈促不結胃者此爲欲解其脈浮者必結胃其脈緊者必咽痛其脈弦者必兩脅拘急其脈細而數者頭痛未止其脈沉而緊者必欲嘔其脈沉而滑者挾熱利其脈浮而滑者必下血

太陽少陽併病而反下之成結胃心下堅下利不復止水漿不肯下其人必心煩

脈浮緊而下之緊反入裏則作痞按之自濡但氣痞耳

傷寒吐下發汗虛煩脈甚微八九日心下痞堅脅下痛氣上衝咽喉眩冒經脈動惕者久而成痿

陽明病不能食下之不解其人不能食攻其熱必噦所以然者胃中虛冷故也

陽明病脈遲食難用飽飽卽發煩頭眩者必小便難此欲作穀疸雖下其腹滿如故耳所以然者脈遲故也

太陽病寸緩關浮尺弱其人發熱而汗出復惡寒不嘔但心下痞者此爲醫下之也

傷寒大吐大下之極虛復極汗者其人外氣怫鬱復與之水以發其汗因得噦所以然者胃中寒冷也吐下發汗後其人脈平而小煩者以新虛不勝穀氣故也

太陽病醫發其汗遂發熱而惡寒復下之則心下痞此表裏俱虛陰陽氣併竭無陽則陰獨復加大針因而煩面色青黃膚瞶如此者爲難治面色微黃手足溫者易愈

服桂枝湯下之頭項彊痛翁翁發熱無汗心下滿微



痛小便不利屬桂枝去桂加茯苓朮湯

太陽病先發其汗不解而下之其脈浮者不愈浮爲  
在外而反下之故令不愈今脈浮故在外當解其外  
則愈屬桂枝湯

下以後復發其汗者則晝日煩燥不眠夜而安靜不  
嘔不渴而無表證其脈沉微身無大熱屬乾姜附子  
湯

傷寒吐下發汗後心下逆滿氣上撞胷起卽頭眩其  
脈沉緊發汗卽動經身爲振搖屬茯苓桂枝朮甘草

湯

發汗吐下以後不解煩燥屬茯苓四逆湯

傷寒發汗吐下後虛煩不得眠劇者反復顛倒心中  
懊憹屬梔子湯若少氣梔子甘草湯若嘔梔子生姜  
湯若腹滿梔子厚朴湯

發汗若下之煩熱胷中塞者屬梔子湯證

太陽病經過十日餘心下溫溫欲吐而胷中痛大便  
反溏其腹微滿鬱鬱微煩先時自極吐下者與承氣  
湯不爾者不可與欲嘔胷中痛微溏此非柴胡湯證

別經集本 卷十  
以嘔故知極吐下也

太陽病重發其汗而復下之不大便五六日舌上燥而渴日晡時小有潮熱從心下至少腹堅滿而痛不可近屬大陷胃湯

傷寒五六日其人已發汗而復下之胃脅滿微結小便不利渴而不嘔但頭汗出往來寒熱心煩此爲未解屬柴胡桂枝乾姜湯

傷寒汗出若吐下解後心下痞堅噫氣不除者屬旋

覆代赭湯

大下以後不可更行桂枝湯汗出而喘無大熱可以  
麻黃杏子甘草石膏湯

傷寒大下後復發其汗心下痞惡寒者表未解也不  
可攻其痞當先解表表解乃攻其痞解表屬桂枝湯  
攻痞屬大黃瀉心湯

傷寒吐下後七八日不解熱結在裏表裏俱熱時時  
惡風大渴舌上乾燥而煩欲飲水數升屬白虎湯

傷寒吐下後未解不大便五六日至十餘日其人日  
晡時發潮熱不惡寒獨語如見鬼神之狀若劇者發

則不識人循衣妄撮怵惕不安微喘直視脈弦者生  
澀者死微者但發熱譫語屬承氣湯若下者勿復服  
三陽合病腹滿身重難以轉側口中不仁面垢譫語  
遺溺發汗則譫語下之則額上生汗手足厥冷自汗  
屬白虎湯證

陽明病其脈浮緊咽乾口苦腹滿而喘發熱汗出而  
不惡寒反偏惡熱其身體重發其汗卽燥心憤憤而  
反譫語加溫針必怵惕又煩燥不得眠下之卽胃中  
空虛客氣動膈心中懊懣舌上胎者屬梔子湯證



陽明病下之其外有熱手足溫不結胃心中懊懣苦  
飢不能食但頭汗出屬梔子湯證

陽明病下之心中懊懣而煩胃中有燥屎者可攻其  
人腹微滿頭堅後溏者不可下之有燥屎者屬承氣  
湯證

太陽病吐下發汗後微煩小便數大便堅固可與小  
承氣湯和之則愈

大汗若大下而厥冷者屬四逆湯證

太陽病下之其脈促胃滿者屬桂枝去芍藥湯若微

寒屬桂枝去芍藥加附子湯

傷寒五六日大下之身熱不去心中結痛者未欲解也屬梔子湯證

傷寒下後煩而腹滿臥起不安屬梔子厚朴湯傷寒醫以丸藥大下之身熱不去微煩屬梔子乾姜湯

傷寒醫下之續得下利清穀不止身體疼痛急當救裏身體疼痛清便自調急當救表救裏宜四逆湯救表宜桂枝湯

柯按目  
調急當  
救表作  
救裏

太陽病過經十餘日反再三下之後四五日柴胡證

續在先與小柴胡湯嘔止小安嘔止小安一云嘔不止心下急其人

鬱鬱微煩者為未解與大柴胡湯下之則愈

傷寒十三日不解胃脅滿而嘔日晡時發潮熱而微

利此本當柴胡湯下之不得利今反利者故知醫以

丸藥下之非其治也潮熱者實也先再服小柴胡湯

以解其外後屬柴胡加芒消湯

傷寒十三日過經而譫語內有熱也當以湯下之小

便利者大便當堅而反利其脈調和者知醫以丸藥

下之非其治也自利者其脈當微厥今反和者此為

內實屬承氣湯證

傷寒八九日下之胃滿煩驚小便不利譫語一身不

可轉側屬柴胡加龍骨牡蠣湯

火逆下之因燒針煩燥屬桂枝甘草龍骨牡蠣湯

太陽病浮脈而動數浮則為風數則為熱動則為痛

數則為虛頭痛發熱微盜汗出而反惡寒其表未解

醫反下之動數則遲頭痛即眩

一云膈內拒痛

胃中空虛客

氣動膈短氣煩燥心中懊憹陽氣內陷心下因堅則

為結胃屬大陷胃湯若不結胃但頭汗出其餘無有

柯按佗  
卽他字  
古字通  
用

齊頸而還小便不利身心發黃屬柴胡梔子湯

傷寒五六日嘔而發熱柴胡湯證具而以佗藥下之

柴胡證仍在復與柴胡湯此雖已下不爲逆也必蒸

蒸而振却發熱汗出而解若心下滿而堅痛者已爲

結胸屬大陷胸湯若但滿而不痛者此爲痞柴胡復

不中與也屬半夏瀉心湯本以下之故心下痞與之

瀉心其痞不解其人渴而口燥小便不利者屬五苓

散

一方言忍之一日乃愈

傷寒中風醫反下之其人下利日數十行穀不化腹



中雷鳴心下痞堅而滿乾嘔而煩不能得安醫見心  
下痞爲病不盡復重下之其痞益甚此非結熱但胃  
中虛客氣上逆故使之堅屬甘草瀉心湯

傷寒服湯藥而下利不止心下痞堅服瀉心湯已後  
佗藥下之利不止醫以治中與之利益甚治中理中  
焦此利在下焦屬赤石脂禹餘糧湯若不止者當利  
其小便

太陽病外證未除而數下之遂挾熱而利不止心下  
痞堅表裏不解屬桂枝人參湯

傷寒吐後腹滿者與承氣湯

病者無表裏證發熱七八日脈雖浮數者可下之假令下已脈數不解今熱則消穀喜飢至六七日不大便者有瘀血屬抵當湯若脈數不解而不止必失血便膿血

太陽病醫反下之因腹滿時痛爲屬太陰屬桂枝加

芍藥湯火

柏按火傷  
寒論作大

實痛屬桂枝加大黃湯

傷寒六七日其人大下後脈沉遲手足厥逆下部脈不至咽喉不利唾膿血泄利不止爲難治屬麻黃升

麻湯

傷寒本自寒嘔醫復吐之寒膈更甚飲食入卽出屬  
乾姜黃芩黃連人參湯

病可溫證第九

凡十一條

大法冬宜溫熱藥及灸

師曰病發熱頭痛脈反沉若不差身體更疼痛當救  
其裏宜溫藥四逆湯

下利腹滿身體疼痛先溫其裏宜四逆湯

自利不渴者屬太陰其藏有寒故也當溫之宜四逆

輦

少陰病其人飲食入則吐心中溫溫欲吐復不能吐始得之手足寒脈弦遲若膈上有寒飲乾嘔者不可吐當溫之宜四逆湯

少陰病脈沉者急當溫之宜四逆湯

下利欲食者就當溫之

下利脈遲緊爲痛未欲止當溫之得冷者滿而便腸垢

下利其脈浮大此爲虛以彊下之故也設脈浮革因

爾腸鳴當溫之宜當歸四逆湯

少陰病下利脈微澀者即吐行者必數更衣反少當

溫之

傷寒醫下之續得下利清穀不止身體疼痛急當救

裏宜溫之以四逆湯

病不可灸證第十條凡三

微數之脈慎不可灸因火為邪則為煩逆追虛遂實

血散脈中火氣雖微內攻有力焦骨傷筋血氣難復

脈浮當以汗解而反灸之邪無從去因火而盛病從



腰以下必當重而痺此爲火逆若欲自解當先煩煩  
乃有汗隨汗而解何以知之脈浮故知汗出當解  
脈浮熱甚而灸之此爲實實以虛治因火而動咽噪  
必吐血

病可灸證第十一

凡八條

燒針令其汗針處被寒核起而赤者必發賁豚氣從  
少腹上撞者灸其核上一壯與桂枝加桂湯

少陰病得之一二日口中和其背惡寒者當灸之  
少陰病其人吐利手足不逆反發熱不死脈不足者

灸其少陰七壯

少陰病下利脈微澀者即嘔行

相按行傷寒論作汗

者必數更

衣反少當溫其上灸之

一云灸厥陰可五十壯

諸下利皆可灸足大都五壯

一云七壯

商邱陰陵泉皆三

壯

相按此條不本傷寒論

下利手足厥無脈灸之不溫反微喘者死少陰負趺

陽者為順也

傷寒六七日其脈微手足厥煩燥灸其厥陰厥不還

者死

傷寒脈促手足厥逆可灸之爲可灸少陰厥陰主四

逆

病不可刺證第十二

一條○柏按此篇出內經

大怒無刺

大一作新

已刺無怒

已新一作新

新內無刺已刺無內

大勞無刺

大一作新

已刺無勞大醉無刺已刺無醉大飽

無刺已刺無飽大飢無刺已刺無飢大渴無刺已刺

無渴無刺大驚無刺焯焯之熱無刺漉漉之汗無刺

渾渾之脈身熱甚陰陽皆爭者勿刺也其可刺者急

取之不汗則泄所謂勿刺者有死徵也無刺病與脈

相逆者上工刺未生其次刺未盛其次刺已衰麤工逆此謂之代形

病可刺證第十三

凡二十九條

太陽病頭痛至七日自當愈其經竟故也若欲作再經者當針足陽明使經不傳則愈

太陽病初服桂枝湯而反煩不解者當先刺風池風府乃却與桂枝湯則愈

傷寒腹滿而譫語寸口脈浮而緊者此爲肝乘肺名曰縱當刺期門

傷寒發熱啗啗惡寒其人大渴欲飲酢漿者其腹必滿而自汗出小便利其病欲解此爲肝乘肺名曰橫當刺期門

陽明病下血而譫語此爲熱入血室但頭汗出者當刺期門隨其實而瀉之澼然汗出者則愈矣

婦人中風發熱惡寒經水適來得之七八日熱除脈遲身涼胃脅下滿如結胷狀其人譫語此爲熱入血室當刺期門隨其虛實而取之

平病云熱入血室無犯胃氣及上三焦與

此相反豈謂藥不爲針耶



太陽與少陽併病頭痛頸項彊而眩時如結脅心下痞堅當刺大杼一閒肺輸肝輸慎不可發汗發汗則譫語譫語則脈弦譫語五日不止當刺期門

少陰病下利便膿血者可刺

婦人傷寒

柏按傷金匱要畧作胎

懷身腹滿不得小便加

柏按金匱

要畧無加字

從腰以下重如有水氣狀懷身七月太陰當

養不養此心氣實當刺寫勞宮及關元小便利則愈傷寒喉痺刺手少陰少陰在腕當小指後動脈是也

針入三分補之

柯按太  
陽王氣  
當作太  
陽主氣

問曰病有汗出而身熱煩滿煩滿不爲汗解者何對  
曰汗出而身熱者風也汗出而煩滿不解者厥也病  
名曰風厥也太陽王氣故先受邪少陰與爲表裏也  
得熱則上從之從之則厥治從表裏刺之飲之湯

柏按

此條以後  
俱出內經

熱病三日氣口靜人迎燥者取之諸陽五十九刺以  
瀉其熱而出其汗實其陰以補其不足所謂五十九  
刺者兩手外內側各三凡十二瘡五指間各一凡八  
瘡足亦如是頭入髮一寸傍三分各三凡六瘡更入

髮三寸邊各五凡十瘡耳前後口下項中各一凡六

瘡顛上一

熱病先膚痛窒鼻充面取之皮以第一針五十九苛

菌爲軫

一云苛軫

鼻索皮於肺不得索之火火心也

熱病噎乾多飲善驚臥不能安

柏按安內經作起

取之膚肉

以第六針五十九目眥赤索肉於脾不得索之木木

肝也

熱病而胷脅

柏按而胷脅三字內經作面青腦

痛手足躁取之筋間

以第四針針於四達

一作逆

筋辟

柏按辟內經作躄

目浸索筋

於肝不得索之金金肺也

熱病數驚瘈瘲而疆

柏按疆內經作狂

取之脈以第四針急

瀉有餘者癩疾毛髮去索血

一作脈

於心不得索之水

水腎也

熱病身重骨痛耳聾而好瞑取之骨以第四針五十

九骨病

柏按骨病二字內經作刺骨病不四字

食齧牙齒耳青

柏按青原本誤

作清今據內經改正

索骨於腎不得索之土土脾也

熱病先瀉身傍敦

傍敦太素作倚

煩悶乾唇嗌取之以第一

針五十九膚脹口乾寒汗

柏按汗下內經有出索脈於心不得索之水水者腎

也十  
四字

熱病頭痛攝

攝一作顛顛

目脈緊

柏按脈緊二字內經作瘳脈痛三字

善衄

厥熱也取之以第三針視有餘不足寒熱病

柏按病內經作

痔

熱病體重腸中熱取之以第四針於其輸及下諸指

閒索氣於胃絡得氣也

熱病俠臍痛急

柏按急下內經有痛字

胷脅支滿取之涌泉與

太陰陽明

一云陰陵泉

以第四針針噓裏

熱病而汗且出反

柏按反內經作及

脈順可汗者取之魚際



大淵大都大白瀉之則熱去補之則汗出汗太甚者  
取踝上橫文以止之

熱病七日八日脈口動喘而眩者急刺之汗且自出  
淺刺手大指閒

熱病先骨柏按骨內  
經作胛脅痛手足躁刺足少陽補手太

陰病甚爲五十九刺

熱病先手臂痛刺手陽明太陰而汗出止

熱病始於頭手柏按手內  
經作首者刺項太陽而汗出止

熱病先身重骨痛耳聾目瞑刺足少陰病甚爲五十

九刺

一云刺少陽

熱病先眩冒而熱胷膈滿刺足少陰少陽

熱病始足脛者先取足陽明而汗出

病不可水證第十四

凡九條

發汗後飲水多者必喘以水灌之亦喘

傷寒大吐大下之極虛復極汗者其人外氣怫鬱復與之水以發其汗因得噦所以然者胃中寒冷故也陽明病潮熱微堅可與承氣湯不堅勿與之若不大便六七日恐有燥屎欲知之法可與小承氣湯若腹

中不轉氣者此爲但頭堅後溘不可攻之攻之必腹滿不能食欲飲水者卽噦

陽明病若胃中虛冷其人不能食飲水卽噦

下利其脈浮大此爲虛以疆下之故也設脈浮草因爾腸鳴當溫之與水卽噦

病在陽當以汗解而反以水噀之若灌之其熱却不得去益煩皮上粟起意欲飲水反熱渴宜文蛤散若不差與五苓散

若寒實結胃無熱證者與三物小陷胃湯曰散亦可

柯按曰  
散當作  
白散不  
然疑有  
缺字

柯按飲  
表當作  
引衣

身熱皮粟不解欲飲衣自覆若以水喫之洗之益令  
熱却不得出當汗而不汗卽煩假令汗出已腹中痛  
與芍藥三兩如上法

寸口脈浮大醫反下之此爲大逆浮卽無血大卽爲  
寒寒氣相搏卽爲腸鳴醫乃不知而反飲水令汗大  
出水得寒氣冷必相搏其人卽飢

寸口脈濡而弱濡卽惡寒弱卽發熱濡弱相搏藏氣  
衰微胷中苦煩此非結熱而反薄居水漬布冷銚貼

之陽氣遂微諸府無所依陰脈凝聚

柏按聚原本誤  
作娶今改正

結在心下而不肯移胃中虛冷水穀不化小便縱通復不能多微則可救聚寒心下當奈何也

病可水證第十五

凡六條

太陽病發汗後若大汗出胃中乾燥煩不得眠其人欲飲水當稍飲之令胃中和則愈厥陰病渴欲飲水者與飲之即愈

太陽病寸口緩關上小浮尺中弱其人發熱而汗出復惡寒不嘔但心下痞者此爲醫下之也若不下其人復不惡寒而渴者爲轉屬陽明小便數者大便即



堅不更衣十日無所苦也欲飲水者但與之當以法救渴宜五苓散

寸口脈洪而大數而滑洪大則榮氣長滑數則胃按相

胃傷寒論氣實榮長則陽盛怫鬱不得出身胃實則作衛下同

堅難大便則乾燥三焦閉塞津液不通醫發其汗陽

盛不周復重下之胃燥熱畜大便遂擯小便不利榮

衛相搏心煩發熱兩眼如火鼻乾面赤舌燥齒黃焦

故大渴過經成壞病針藥所不能制與水灌枯稿陽

氣微散身寒溫衣覆汗出表裏通然其病即除形脈

多不同此愈非法治但醫所當慎妄犯傷榮衛

霍亂而頭痛發熱身體疼痛熱多欲飲水屬五苓散  
嘔吐而病在膈上後必思水者急與豬苓散飲之水  
亦得也

病不可火證第十六

凡十  
二條

太陽中風以火劫發其汗邪風被火熱血氣流洩失  
其常度兩陽相熏灼其身發黃陽盛則欲衄陰虛小  
便難陰陽俱虛竭身體則枯燥但頭汗出齊頸而還  
腹滿而微喘口乾咽爛或不大便利者其人可治

太陽病醫發其汗遂發熱而惡寒復下之則心下痞  
此表裏俱虛陰陽氣併竭無陽則陰獨復加火針因  
而煩面色青黃膚瞶如此者爲難治面色微黃手足  
溫者愈

傷寒加溫針必驚

陽脈浮陰脈弱則血虛血虛則筋惕其脈沉者榮氣  
微也其脈浮而汗出如流珠者衛氣衰也榮氣微加  
燒針血流不行更發熱而燥煩也

傷寒脈浮而醫以火迫劫之亡陽驚狂起臥不安屬

桂枝去芍藥加蜀漆牡蠣龍骨救逆湯

問曰得病十五十六日身體黃下利狂欲走師脈之

言當下清血如豚肝乃愈後如師言何以知之師曰

寸口脈陽浮陰濡弱陽浮則爲風陰濡弱爲少血浮

虛受風少血發熱惡寒洒淅

相按原本誤作淅今改正

項彊頭眩

醫加火熏鬱令汗出惡寒遂甚客熱因火而發怫鬱

蒸飢膚身目爲黃小便微難短氣從鼻出血而復下

之胃無津液泄利遂不止熱痰在膀胱畜結成積聚

狀如豚肝當下未下心亂迷憤狂走赴水不能自制

畜血若去目明心了此皆醫所爲無他禍患微輕得愈極者不治

傷寒其脈不弦緊而弱者必渴被火必譫言弱者發熱脈浮解之當汗出愈

太陽病以火熏之不得汗其人必躁到經不解必有

清相按傷寒論作傷血

陽明病被火額上微汗出而小便不利必發黃

陽明病其脈浮緊咽乾口苦腹滿而喘發熱汗出而

不惡寒反偏惡熱其身體重發其汗則躁心憤憤而

柯按必有清血傷寒論作必有圖血



反譫語加溫針必怵惕又煩躁不得眠

少陰病欬而下利譫語是爲被火氣刮故也小便必難爲彊責少陰汗也

太陽病二日而燒瓦熨其背大汗出火氣入胃胃中竭燥必發譫語十餘日振而反汗出者此爲欲解其汗從腰以下不得汗其人欲小便反不得嘔欲失溲足下惡風大便堅者小便當數而反不數及多便已其頭卓然而痛其人足心必熱穀氣下流故也

病可火證第十七

條

下利穀道中痛當溫之以火宜熬末鹽熨之一方灸  
枳實熨之

熱病陰陽交并少陰厥逆陰陽竭盡生死證第

十八 凡三十  
五條

問曰溫病汗出輒復熱而脈躁疾不為汗衰狂言不  
能食病名為何對曰名曰陰陽交交者死人所以汗

出者生於穀穀 相按二穀字原本  
誤作穀今改正 生於精今邪氣交

爭於骨肉而得汗者是邪却而精勝精勝則當能食  
而不復熱熱者邪氣也汗者精氣也今汗出而輒復

熱者邪勝也不能食者精無裨也汗出而熱留者壽可立而傾也夫汗出而脈尙躁盛者死今脈不與汗相應此不能勝其病也死言者是失志失志者死此有三死不見一生雖愈必死

熱病已得汗而脈尙躁盛此陽

柏按陽內經作陰

脈之極也

死其得汗而脈靜者生也

熱病脈尙躁盛而不得汗者此陽脈之極也死脈躁盛得汗者生也

熱病已得汗而脈尙躁喘且復熱勿膚刺喘甚者死

熱病陰陽交者死

熱病煩已而汗脈當靜

太陽病脈反躁盛者是陰陽交死復得汗脈靜者生  
熱病陰陽交者熱煩身躁太陰寸口脈兩衝尚躁盛  
是陰陽交死得汗脈靜者生

熱病陽進陰退頭獨汗出死陰進陽退腰以下至足  
汗出亦死陰陽俱進汗出已熱如故亦死陰陽俱退  
汗出已寒慄不止鼻口氣冷亦死

以上熱病  
陰陽交部

熱病所謂并陰者熱病已得汗因得泄是謂并陰故

治

一作活

熱病所謂并陽者熱病已得汗脈尙躁盛大熱汗出

雖不汗出若衄是謂并陽故

以上熱病并陰陽部

少陰病惡寒踈而利手足逆者不治

少陰病下利止而眩時時自冒者死

少陰病其人吐利躁逆者死

少陰病四逆惡寒而踈其脈不至其人不煩而躁者

死

少陰病六七日其人息高者死



柯按復  
煩下內  
經有躁  
字

少陰病脈微細沉但欲臥汗出不煩自欲吐五六日

自利復煩不得臥寐者死

少陰病下利若利止惡寒而蹇手足溫者可治

少陰病惡寒而蹇時時自煩欲去其衣被者可治

少陰病下利不止厥逆無脈乾嘔煩服湯藥其脈暴

出者死微細者生

以上少陰部

傷寒六七日其脈微手足厥煩躁灸其厥陰厥不還

者死

傷寒下利厥逆躁不能臥者死

傷寒發熱下利至

相按至下傷寒論有甚字

厥不止者死

傷寒厥逆六七日不利便發熱而利者生

相按傷寒論無者生

二其人汗出利

相按傷寒論無利字

不止者死但有陰無陽故

也

傷寒五六日不結胷腹濡脈虛復厥者不可下下之

亡血死

傷寒發熱而厥七天下利者為難治

以上厥逆部

熱病不知所痛

相按痛下內經有耳聾二字

不能自收口乾陽熱

甚陰頗有寒者熱在髓死不治

熱病在腎令人渴口乾舌焦黃赤晝夜欲飲不止腹大而脹尙不厭飲目無精光死不治

脾傷卽中風陰陽氣別離陰不從陽故以三分候其死生

傷寒欬逆上氣其脈散者死謂其人形損故也

傷寒下利日十餘行其人脈反實者死

病者脅下素有痞而不在臍傍痛引少腹入陰俠陰筋此爲藏結死

夫實則譫語虛則鄭聲鄭聲者重語是也直視譫語

喘滿死若下利者亦死

結胃證悉具而躁者死

吐舌下卷者死唾如膠者難解舌頭四邊徐有津液

此為欲解病者至經上脣有色脈自和為欲解色急

者未解

以上陰陽竭盡部

重實重虛陰陽相附生死證第十九

凡四條

問曰何謂虛實對曰邪氣盛則實精氣奪則虛重實

者肉

相按肉當作內

有熱病氣熱脈滿是謂重實問曰經絡

俱實何如對曰經絡皆實是寸脈急而尺脈緩也皆

當俱治故曰滑則順濇則逆夫虛實者皆從其物類  
 治五藏骨肉滑則可以長久寒氣暴上脈滿實實而  
 滑順則生實而濇逆則死形盡滿脈急大堅尺滿按柏  
滿內經而不應順則生逆則死所謂順者手足溫所  
作濇謂逆者手足寒也

問曰何謂重虛對曰脈虛氣虛尺虛是謂重虛所謂

氣虛柏按氣虛者原本誤者言無常也尺虛者行步

疋柏按疋內然也脈虛者不象陰也如此者滑則生

濇則死氣虛者肺虛也氣逆者足寒也非其時則生



當其時則死餘藏皆如此也脈實滿手足寒頭熱者  
春秋則生冬夏則死脈浮而濇濇而身有熱者死絡  
氣不足經氣有餘脈熱而尺寒秋冬爲逆春夏爲順  
經虛絡滿者尺熱滿而寒濇春夏死秋冬生絡滿經  
虛灸陰刺陽經滿絡虛刺陰灸陽

問曰秋冬無極陰春夏無極陽何謂也對曰無極陽  
者春夏無數虛陽明陽明虛則狂無極陰者秋冬無  
數虛太陰太陰虛則死

以上重實  
重虛部

熱病所謂陽附陰者腰以下至足熱腰以上寒陰氣

驚作觀

下爭還心腹滿者死所謂陰附陽者腰以上至頭熱

腰以下寒陽氣上爭還得汗者生

以上陰陽相附部

熱病生死期日證第二十

凡九條

太陽之脈色榮觀骨熱病也榮未和曰今且得汗待時自已與厥陰脈爭見者死期不過三日其熱病氣內連腎少陽之脈色榮頰前熱病也榮未和曰今且得汗待時自已與少陰脈爭見者死期不過三日和

天作

熱病七八日脈微小病者溲血口中乾一日半而死

脈代者一日死

熱病七八日脈而躁喘不數後三日中有汗三日不

汗四日死未曾汗勿膚刺

膚一作庸

熱病三四日脈不喘其動均者身雖煩熱今自得汗  
生傳曰始府入藏終陰復還故得汗

熱病七八日脈不喘其動均者生微熱在陽不入陰  
今自汗也

熱病七八日脈不喘動數均者病當瘖期三日不得  
汗四日死

柯按口  
乾舌卷  
卷與捲  
同古字  
通用

熱病身面盡黃而腫心熱口乾舌卷焦黃黑身麻臭

伏毒傷肺中脾者死

熱病瘕瘕狂言不得汗瘕瘕不已伏毒傷肺中膽者

死

熱病汗不出出不至足嘔膽吐血善驚不得臥伏毒

在肝肺

相按肺原本誤  
作脯今改正

足少陽者死

熱病十逆死證第二十一

凡十條○津曰據  
前目死下有日字

熱病腹滿臌脹身熱者不得大小便脈濇小疾一逆

見死

津曰臌字書無疑  
即肛字肛亦脹也

柯按四  
脈清當  
作青

熱病腸鳴腹滿四肢清泄注脈浮大而洪不已二逆

見死

熱病大衄不止腹中痛脈浮大絕喘而短氣三逆見

死

熱病嘔且便血奪形肉身熱甚脈絕動疾四逆見死

熱病欬喘悸眩身熱脈小疾奪形肉五逆見死

熱病腹大而脹四肢清奪形肉短氣六逆見一旬內

死

熱病腹脹便血脈大時時小絕汗出而喘口乾舌焦



視不見人七逆見一旬死

熱病身熱甚轉脈小欬而便血目暈陷妄言手循衣

樹按轉脈當作脈轉

縫口乾躁擾不得臥八逆見一時死

熱病瘈瘲狂走不能食腹滿胷痛引腰臍背嘔血九

逆見一時死

熱病嘔血喘欬煩滿身黃其腹鼓脹泄不止脈絕十

逆見一時死

熱病五藏氣絕死日證第二十二條

凡六條

熱病肺氣絕喘逆欬唾血手足腹腫面黃振慄不能

言語死魄與皮毛俱去故肺先死丙日篤丁日死

熱病脾氣絕頭痛嘔宿汁不得食嘔逆吐血水漿不  
得入狂言讖語腹大滿四臑不收意不樂死脈與肉  
氣俱去故脾先死甲日篤乙日死

熱病心主氣絕煩滿骨痛

一作瘕

噎腫不可咽欲欬不

能欬歌哭而笑死神與榮脈俱去故心先死壬日篤  
癸日死

熱病肝氣絕僵仆足不安地嘔血恐懼洒淅惡寒血  
妄出遺屎溺死魄與筋血俱去故肝先死庚日篤辛

日死

熱病腎氣絕喘悸吐逆踵疽尻癱目視不明骨痛短  
氣喘滿汗出如珠死精與骨髓俱去故腎先死戊日  
篤巳日死

外見童子青小爪甲枯髮墮身澀齒挺而垢人皮面  
厚塵黑欬而吐血渴欲數飲大滿此五藏絕表病也

熱病至脈死日證第二十三

凡三條

熱病脈四至三日死脈四至者平人一至病人脈四  
至也

熱病脈五至一日死時一大至半日死忽忽悶亂者死

熱病脈六至半日死忽忽疾大至有頃死

熱病脈損日死證第二十四

凡三條○津曰據前目作損脈死日

熱病脈四損三日死所謂四損者平人四至病人脈一至名曰四損

熱病脈五損一日死所謂五損者平人五至病人脈一至名曰五損

熱病脈六損一時死所謂六損者平人六至病人脈

一至名曰六損若絕不至或久乃至立死

脈經真本卷之七終